

۱۴۳

اسم و نیاپی

تعداد ۹۸ و سیع الاخر ۲۲۱
تعداد ۹۸ و سیع الاخر ۲۲۱

بو قبیل جوجق و لیلرندن اصول تدریس و
تربیه نك ترقیسی امرنده نشبئات مشترکه بکله نه من.

معلم

ع . س



مدرسه لرك اصلاحی

درت سنه دینری مدرسه لرك اصلاحندن
بحث اولونبور ، مطبوعانده بو خصوصده خبلی
مباحثات و مناقشات جریان ابتدی ؛ حتی اصلاح
مدارس همچون قومیسونلرییه بایلدی . بویله
اولقله برابر ، بو کون هیچ اساسلی بر شی
بایله مامسندن طولایدرکه بینه مسئله آجیلیور ،
برچاره حل آرانبور ...

حادثات اخیرده مدرسه لرك اصلاحی
مسئله سنی بیکدن قورجالانغه سبب اولدی . بعض
متفکرلرك ادعاسنه نظر آ ، عثمانلی دولته ک حیات
سیاسیه سنده مهم بر رول اویشایان تنظیماتی
یعنی بوتون تبعیه حقوق متساویه ویره رک بر
عثمانلی ملتی ایجاد ایتک اصول سیاحتی ، مکنتلرك
تأسیسه و مدرسه لرك یوز اوستی بر اقیلمسنه سبب
اصلی اولدی و دبنده « حوله کان غایه منزلتده
بو مسائل فلا کتاری تماید ابتدی .

فی الحقیقه زده مکنتلر تأسیس ایلدی .
مسلمان ، روم ، ارمنی ... الخ بوتون و طمداش لرك

بر آراده بر تربیه ملیه آله رقی دینوی بر تحصیل
کورماری غایه اتخاذ ایلدی .

فقط عصر لردنبری عالم اسلامه بونجه داهیلر
یتیشدیرمش مدرسه لرك نظر اهمیتدن دوشدی
وعادتا ، بو مدرسه لرك سایه سنده حصول بوله بحق
تحصیل دینی ، فارشی رسمی بر لاقیدانی میدان
آلدی . رشده لرك واعدادیه لرك هر سنه یوزلرجه
شا کرد یتیشدیرییور ، مملکت بونلردن ، بی شبهه
چوق استفاده لرك ایدییوردی . فقط بو مکنتلرك
یتیشدیردیکی کیمسه لرده ، بوغرا ملرك فناندن
وغایه منزلکن دولانی ، ملی ، دینی واجتماعی ...
برایمان یراشه میوردی . بوکا مقابل ، مدرسه لرده
ایسه تن پرورانه بر حیات ، مقصد سنر و مسلک سنر
بر تحصیل حکم سور یوردی . بونک نتیجه سی
اوله رقی عثمانلیق هر ایکی چیتندنه مستفید اوله
میه رقی ایکی جامع آرمه سنده قالمش بر بینازه
دوندی ، کتیدی .

مدرسه لرك اسلامه لازمه و اسلامیت عالمک
ترقیسی مدرسه لرك حقیقه اصلاحنه وابسته در .
فقط مدرسه لرك نه بولده اصلاح ایدلیلدر ؟ مسئله
بوراده در ،

اسکدن مدرسه لرك ایکی بیوک قسمه آیریلشدی .
بونلردن برغم سنده علوم دینییه و لسان عربی و
تفرغانی تحصیل ایدیلیردی ، ایکنجی قسمده
ایسه فنون تحصیل اولونوردی . استثنابولده
بولونان مدرسه لرك بویوک بر قسمی ، مختلف نامار
آلنده مثلا هندسه مدرسه سی ، طب مدرسه سی
الخ کی اسلاره یاد اولونور لركه بوکون او مدرسه
لرده عوامل ، اظهار طلبه لری اولونور لرك .

بوکی مدرسه لرك وظیفه سنی حال حاضرده مهندس مکتبی ، طب فاکولته سی کی بر طاقم خصوصی مکتب ایا اتمکده اولادقلرندن آرئق مذکور مدرسه لرك حکمت موجودیق قلملمش دیمکدر . بناء علیه بوکی مدرسه لرك وارداتی و سائر سی ، واقفک شرطنه رعایت ایدلک ایچون ، عائد اولادقلری قلرک تحصیل قلندینی مکتبلره و برلک اقتضا ایدره . مدرسه لری اصلاح ایچون پایله جق اک مهم عملیاتک برنجی قسمی بو اولمالیدر .

درونده علوم دینی و فلسفه ؛ حکمت اوقونق ایچون تأسیس ایدلمش مدرسه لرده ایه بروجه آتی قواعد رعایت ایدره لک اصلاح ایدلک اقتضا ایلر :

۱ — مدرسه لرك بنالری عصر حاضرک قواعد صحیبه قطعیاً موافق دکادر . بوزمانده بویه راطب و ضیاسز برلرده بر طاقم انسالری جور و تمکده معنا یوقدر . بناء علیه بوکی مدرسه لرك جمع واردانندن حصوله کله جک مبالغ ايله آری و حفظ الصحیه موافق صورتده انشا اولمش بنالر وجوده کتیرمک الزمدر .

۲ — آوروپاده دین اهللری یتشدیرمک ایچون ده (مکتب) اصولی (بزده قبول ایدلمش معاده اولیوب بالکنز علم تربیه و اصول تدریس نقطه نظرندن مکتب اصولینی) قبول ایتشلردر . بزده عصرک ایجاب ایتدیکی بو اصولی بهمه حال قبول ایتلی ز . بوتقدیرده مدرسه لرده کی تحصیل اوج بویوک دوره تحصیلیه یعنی ابتدائی ، تالی و عالی دوره لرینه آریلق صورتیه ترتیب و تنظیم ایتلک لازم کلیر .

۳ — حال حاضرده مدرسه لر مزده بش اون سنه لسان عربی اوقونیور . حالبوکه بیرونده و مصرده آوروپا میسیونرلری بولسانی اک مکمل بر طرزده اوله رق ، نهایت اوج سنده اوکره نیورلر . اوج سنده الده ایدیه ییلن بر لسانی بش اون سنه اوقونق اصرارندن — هیچ اولانزه جوق تکرار ایدیلن ، اصلاح ، کلمسک خاطری ایچون اولسون — واز کچرک لسان عربی تدریساتک بواصوللری و سائر سی حقنده آوروپالی مستشرقلر و معلملر طرفلرندن ترتیب ایدلمش اثرلردن استفاده ایتلی و بزده دخی بویه یکی کتابلر میدانه کتیرملیدر .

۴ — مدرسه لرك اداره سنی ، اصول اداره دن آکلار بر اداره داخلنده توحید ایتلی و اداره مذکورده ک خصوصی بر بودجه سی اولمالیدر .

۵ — مدرسه لرده کی تحصیل ايله برابر طلبه ک به جک ، ایجه جک و کیه جکی و سائر لوازم ضروری سی بحاجت اولملی در .

ایشته شو بش ماده کوز اوکنه آلنهرق مدرسه لرك اصلاحاتنه بویه اساسلی بر صورتده باشلانیلیرسه بوتقدیر یازیلردن وقومیسیونلردن بر فائده حاصل اولور . یوق ، مدرسه لرك حال حاضرینی محافظه شرطیه تجدیدانندن زیاده تعمیراته قالدیشیرسق یوز سنه سوکراده مدرسه لر مزنی بوحالده کوره جکمزده شبهه ایدلسون .

ن **